



PREDMET: Pojašnjenje tenderske dokumentacije

U sjedištu Ugovornog organa dana 14.11.2022. godine, pod brojem protokola: JN-OP-1127-07/2022, zaprimljen je Zahtjev za pojašnjenje tenderske dokumentacije, broj: JN-OP-1127/2022 u postupku javne nabavke Nabavka i isporuka dva energetska transformatora 110/x kV, 20 MVA u TS 110/x kV Željuša, dostavljen od strane privrednog subjekta General Engineering d.o.o, u kome se traži sljedeće pojašnjenje:

1. „Vezano za uslov definisan tačkom 15.1 koja definiše minimalne uslove tehničke i profesionalne sposobnosti ponuđača, na način da se traži uspješno iskustvo ponuđača u isporuci robe sa ugradnjom čiji su karakter i kompleksnost slični predmetu nabavke, definisane minimalne ukupne vrijednosti, u periodu od posljednje tri (3) godine zbirno, molimo Vas da uobzirite period Covid 19 pandemije, na način da ukupan period validnih reference bude pet (5) godina zbirno (računajući od dana objave obavještenja o nabavci). Naime, tokom perioda Covid 19 pandemije, aktivnosti kompanija koje se bave poslovima sličnih predmetu nabavke (pogotovo u dijelu ugradnje opreme), su bile zamrznute ili u značajnoj mjeri usporene/prolongirane, što direktno utiče na zahtjevano reference. Produženjem validnosti reference, eliminišete uticaj Covid 19 pandemije i obezbjeđujete veću konkurentnost na predmetu javne nabavke, što Vam je vjerujemo i krajnji cilj.,,

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", broj: 39/14 i 59/22) daje odgovor sa pojašnjenjem kako slijedi:

1. U postupku javne nabavke robe ugovorni organ nije tražio što je navedeno u zahtjevu za pojašnjenje, tačnije vrijednost se ne spominje i ne spominje se ugradnja robe. U tački 15.1 tenderske dokumentacije stoji:

„Uspješno iskustvo ponuđača u izvršenju najmanje jednog (1) ili više ugovora, koji za predmet imaju isporuku najmanje jednog energetskog transformatora najvišeg napona namotaja $U_m \geq 123$ kV, nazivne snage $S_n \geq 20$ MVA, sa regulacijom napona pod opterećenjem, u posljednje tri (3) godine (računajući od dana objave obavještenja o nabavci) ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine.“

Dakle, traži se izvršenje jednog ili više ugovora za transformatore gore navedenih karakteristika, bez vrijednosti i nije riječ o isporuci robe sa ugradnjom već samo o isporuci robe.

Također, u postupku javne nabavke robe ugovorni organ može zahtijevati jedan ili više dokaza o tehničkoj i profesionalnoj sposobnosti kandidata/ponuđača, i to:

- a) Spisak izvršenih ugovora u skladu s članom 48. stav (2) ovog zakona, a koji su u vezi s predmetnom nabavkom, za period ne duži od tri godine ili od datuma registracije, odnosno početka poslovanja, ako je kandidat/ponuđač registriran, odnosno počeo s radom manje od tri godine;

S obzirom da u međuvremenu nije došlo do izmjena ZJN, koje bi se odnosile na ove uslove, ugovorni organ ostaje pri zahtjevu navedenom u tenderskoj dokumentaciji.

S poštovanjem,

Predsjednik Komisije za
JN-OP-1127/2022

